

www.BibleForChildren.org




Tigidali Nai
Gagalama
Nigali Side 6





Te Noade po da te tiwai
dao. Agai ogwa sela elaluali,
Siem, Ham, me Jafet. Noa da
dwagi yai bidi, te sogo bidali
we bidi tomode te Noa deli digi
aga bilibo kolesaga te Godigo
gedude dolo mu yali.

Aga te
God dali
deli homu naga
eyu, tama
Godigo abagi
mu dao.




Tama Godigo tɔba tonaluama,
tama agai tigidali bidigo dwai
kolesaga mu ebo suali. Te
bidigo bilibo kolesaga te gaga
pai mu pedelama, tama dwai
kugumini naga yai.



Tialima, Godigo Noabolo te po wali, “Tigidali
bidi augwaligo tigidali tōde te haniani dwai
hwjbo kolesaga mu ebo. Tama tibaso, eno
tede homugo konea palama, tama te
homu ebao, eno augwali dolai
hagede ebao. Te eno tigidali we
bidi mu silaibao.”




“Tama nago dwagi yai ni pedai selama, tama
naga moni genuai geba sip me deli nigao.
Nago te tomode be habu meba nigilao,
tama tomode me bulu badu mabode te
agebele megego bugagia sebelao.”



Nago te tiwai sip
nigao. Te sip bobage
usu sabo, te 133 mita,
te aga genuai ilabo
usu te 22
mita dao.

Tama
nago
ugwaba
bobage usu
ni sabo, te 13
mita dao.




“Tama nago te naga tuabo
haniani nai badi, te haniani
hasa dabego tubo nai me,
te ba dabego tubo nai me
selama, te moni sip geba
tomoba muao,” te
po wai.



Tama nago te tigidali haniani hasa dabego si si sao, te
me omai, me so tama, si sao. Tama nago augwali te
duga dali hodobo te moni sip tomoba sela
pobaso da, teda augwali me
isigobeo.




Tama nago te tigidali haniani hasa dabe, te
ofa maiabo usu eyu, meda meni yai hasa
dabe naga sobadi, te omai a naga olama,
me badu nogo si badi, te so me a naga
olama, me badu nogo si, te augwali
selama, te sip tomoba muao.




Tiali goli, te eno gedude wiegi yai
isayani hasa, te ofa maiabo usu meni
yai hasa dabe, te nago omai dali,
tama so dali, te si naga sao.






Tama Noa we de bidi
si dali, te aga ogwa dabe
me, augwa we dabe dali, te
geba sip tomoba bula sali, te wẹ
asiyu, te augwali me dologobeo.





Te Noa te kibu be hauwa
mu 600 bidama, tama te si wabo
polua, dei 17 nogo si olama, saḡaḡo
a naga, me badu saḡaḡo si tama side,
te tō dologode te tigidali genuai wē dabe
te sunumi dala pela silama, tama wē ugwaba
pedelali. Tama dagalude me te tigidali
dedage dala pelama, tama wē aiyaba gelalio.





Tama genuai
kulubage mu tuludubadi, te hauwa
sogo hulyu, posoyu yali, te ulade
bidi sese si 40 dei, te hulide bidi
sese si 40 sogo bidibadi, tama yali.




Tama wę genuai mu
pedelama, tama sip te wę
daide ugwadu biliduali.




Tama wẹ bo dabo ugwanu mu holodu genama,
tama tigidali moni bobage bulu du mesegeleli.
Te tẹde bidibo ula elaluali nai dabe tigidali isalio.





Te Godigo Noa dali, te bulu uni hasa
dabe dali me, te be pade bidalubo hasa
dabe me aga dali te sip tomode bidalubo,
te Godigo homugo koneani. Tama tiyu,
Godigo te wali te tq daide ugwadu
bilimainu ilama, tama
we aiyaba kekasa
dulubo
gagalali.





Tama nosali Noago ba hi
me deli tagala palai, te wẹ
aiyaba kekasa dulaliwe
naga konemai hagede tialio.



Tama bidama, tama te polua si, te dei 27, te sogode
te tō tigidali mu wa palio. Tama Godigo Noabolo te
po wai, “Nago te geba sip tagalama, tama
nage naga we dali, me naga ogwa
dabe, augwa we dabe
dali, dage tōba aiyaba
dulao” po wai.



Tama Noago te
Yawebolo nai olo
momainogo eyu,
tama te ofa maiabo
alta sai nigali. Tama agai
te tigidali haniani hasa
sibi tigidaligo te ofa
maiabo usu yai hasa deli
deli, me te ba dabe me
sobadi elama,

tama agai augwali
elama, ofa yalio. Tama
agai te alta sai ilali
madi daide ulali.



Tama Godigo te
po wali, “Eno te
dagalude unigi bidi
mubo, te eno dage
dali, me te hasa sibi
dali, sesemane sogo yali
te daj tiwai mubao.

Te unigi bidi te eno
tigidali tɔde bidi dali
po daj wali daj dao,
tama te daj wali
dwagi yai po munu
me siligobeo.”




Te eno
dagalude te pō
pedalumainogo
ebo sogo da, teda
te unigi bidi me
pedelaibao. Tama tiyu,
eno te po dage dali, me te

hasa sibi dabe dali,
te daḡ wali po eno
homugo konealu, teda
te tiwai wē asiyu, te
bidibo ula elalubo
tigidali nai dabe me
dologobeo.




Te Godigo dwagi yai
po mobo Noabolo me, aga
ogomani dabe dalibolo mayu, e
tama po wali, “Te wai dabe hauwa
mu ame nenama, te dagego
hanigo te tigidali tɔ pedai
paɣana sao.”



“Te e da Noago ogwa
sela te sip tagalama dulali ogwa
sela nogi dao, Siem, me Ham, me
Jafet dao. Tama Ham te Kenango
aya dao. Te bidi Noago te ogwa
dabe da, augwali te tɔde
bidalubo tigidali bidi

sibigo wɔj monu
dabe te augwali dao.”



God aga Ogwa deli digi mu bidibao.
Tialima Godigo e tɔde bidibo we bidi
godolo mu eyu, tama augwali tau
somainogo eyu, God agai Ogwa
te e tɔba tagala palali.



Tama tiali da, tɔde we bidi augwa
homu agaba mubaso da, augwali
hagaidali weyu, augwali dwagi
yai bidabo bomo selama, bidada
peyu, bidada pomainogo,
Godigo te sɛ yai.



Rom 3:23 Magi baso meni. Da tigidali bidi dago dwai
sę yai dao, tama da tigidali te Godigo wiegi yai usu
niba kadu wabo usu menio.

Rom 6:23 Magi baso meni. Te dwai sęgo te aga sę ebo
bidi augwalibolo te pe mabo dao. Te mabo pe te isibo sę
naga dao, augwali te God dali dagalama tama aga dali
bidada peyu bidada pogobeo. Tiali goli te da te ula sabo
dolo meni yai goli, Godigo dabolo te wiegi yai olo mabo
kolesaga eyu, te sesemane sogo bidibo ula mawaibao, te
da te dago Genuai Bidi Krais Jisas dali wadolali we bidi
dabolo agai te ula olo naga mawaibao.

Hibru 9:27 Tama te tigidali we bidi dabe augwali deli deli
te deli sogo naga isaibao, te isabo sogo sa muani, tama
nosali te augwali Godigo augwali po
tų ebo madiba pedalaibao.



Efesus 2:8,9 Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krai hagede te konealubo po duga homu daꝓ olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao.

Rom 10:9,10 Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gu pagede ma hodolali seꝓe konealubo po daꝓ weyu da, teda Godigo nage ma dobola saibao.



Magi baso meni, te dago homugo te konealubo po daꝯ obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao.

Jon 3:16,17 God aga Ogwa deli digi mu bidibao. Tialima Godigo e tꝯde bidibo we bidi godolo mu eyu, tama augwali tau somainogo eyu, God agai Ogwa te e tꝯba tagala palali. Tama tiali da, tꝯde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te sꝯ yai. Godigo aga Ogwa e tꝯba tagala palali te e tꝯde we bidi po tꝯ dodolomainogo me tagala palobeo. Te menio. God aga Ogwa tagala palali da, te da tꝯde we bidi ma dobola sagasomainogo yai.



1 Jon 5:11-13 Tama Godigo aga Ogwade wali po e dao:
God agai da sesemane sogo bidada peyu, bidada pabo
bidibo ula mawai dao, tama te bidabo ula page aga
Ogwa Jisasde elalubo dao. Bidigo Godigo Ogwa dali kẹa
pali bidi, aga dali te bidibo ula elalubo dao. Tama bidigo
Godigo Ogwa dali kẹa pisawani bidi, aga dali te bidibo
ula elalubeo. Te dagego Godigo Ogwago nogide
konealubo po daɣ weyu agaba tiɣlubo we bidi, te dagego
te dwagi yai bidada peyu bidada pabo ula elalubo
konemainogo eyu, eno e po dagebolo asena tolobao.



Tigidali Nai Gagalama Nigali Side 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Bible Name (iso) *Bible copyright*

<https://live.bible.is/bible/MPSTBL/GEN/1>

©2026 Bible for Children, Inc.

www.M1914.org

www.bibleforchildren.org